

## REGLUGERÐ

### um veitingu lækningaleyfis og sérfræðileyfa.

**Skýringar:** Í reglugerð þessari getur deild merkt hvort heldur sem er sérstakt sjúkrahús, sem annast sjúklinga með tiltekna sjúkdóma (sérjúkrahús), eða samsvarandi einingu í sjúkrahúsi (sérdeild).

Umsóknir um lækningaleyfi og sérfræðileyfi ásamt staðfestum vottorðum yfirmanna og öðrum nauðsynlegum fylgiskjölum skal senda til heilbrigðis- og tryggingamálaráðuneytis.

#### I. Lækningaleyfi.

##### 1. gr.

Til þess að kandidat í læknisfræði geti átt rétt á að öðlast ótakmarkað lækningaleyfi og heita lækni, skal hann að prófi loknu hafa lokið því framhaldsnámi er hér greinir:

- a) Hann skal hafa unnið kandidatsstörf eða samsvarandi aðstoðarlæknisstörf á viðurkenndu deildaskiptu sjúkrahúsi (eða sjúkrahúsum) í samtals 12 mánuði. Þar af skal hann a. m. k. vinna í 4 mánuði á almennri lyflækningadeild, og í 2 mánuði á almennri handlækningadeild, en a. m. k. skulu 9 mánuðir vera unnir á klíniskum deildum og mest 3 mánuðir á rannsóknadeildum.
- b) Um skylduþjónustu læknakandidata á heilsugæslustöðvum fer samkvæmt lækna­lögum og auglýsingum settum samkvæmt þeim.

#### II. Sérfræðileyfi.

##### 2. gr.

Til þess að kandi­dat í læknisfræði geti átt rétt á að öðlast sérfræðileyfi skal hann hafa fullnægt þeim kröfum, er hér greinir:

- a) Hann skal að jafnaði hafa lokið framhaldsnámi samkvæmt 1. grein, áður en sérnám er hafið.
- b) Hann skal hafa hlotið ótakmarkað lækningaleyfi hér á landi samkvæmt 1. grein.
- c) Hann skal að jafnaði hafa fullnægt ákvæðum 3. og 4. greinar.

##### 3. gr.

Sérnám samkvæmt 4. grein má einungis fara fram á þeim sjúkrahúsum (stofnunum), sem viðurkennd eru til slíks sérnáms í heimalandi sínu. Heilbrigðisráðherra veitir sjúkrahúsum hér á landi slíka viðurkenningu samkvæmt tillögum þriggja lækna nefndar, sem metur starfsemi sjúkrahúsanna. Nefndin er skipuð til 4 ára af ráðherra, þannig að einn er skipaður skv. tilnefningu lækna­deildar og er hann formaður, annar skv. tilnefningu Lækna­félags Íslands og sá þriðji skv. tilnefningu Landsambands sjúkrahúsa. Nefndin endurskoðar mat sitt á 2ja ára fresti og leitar umsagnar hjá viðkomandi sérgreinafélögum og forstöðumönnum kennslugreina. Lækna­deild ákveður hversu mikill hluti af sérnámi megi fara fram á hérlendum sjúkrahúsum.

Læknar þeir, sem sérnám stunda, skulu vera aðstoðarlæknar í fullu starfi á þeim sjúkrahúsum (stofnunum), þar sem þeir nema. Frá þessu ákvæði má þó veita undanþágu, ef önnur námstilhögun þykir jafngild að mati lækna­deildar. Nám á sérfræðinámskeiði má viðurkenna í stað takmarkaðs hluta tilskilins starfstíma á sjúkrahúsi (stofnun).

Heimilt er að veita sérfræðileyfi lækni, sem fengið hefur slíkt leyfi á Norðurlöndum svo og þeim sem lokið hafa viðurkenndu sérfræðinámi, eða sérfræðiprófi í Bandaríkjunum eða

Bretlandi. Einnig þeim sem hafa fengið sérfræðileyfi eða lokið sérfræðiprófi í löndum, sem gera sambærilegar kröfur um sérfræðináám, enda þótt námstílhögun sé frábrugðin ákvæðum 4. greinar. Sérnámið má þó ekki hafa staðið skemur en 4 ár.

#### 4. gr.

Sérfræðileyfi má veita að loknu námi samkvæmt eftirfarandi tölulíðum. Heildar námstími skal eigi vera skemmri en  $4\frac{1}{2}$  ár í aðalgrein. Til að hljóta sérfræðileyfi í undirsérgrein skal umsækjandi hafa lokið tveggja ára viðurkenndu námi í undirgreininni og vera sérfræðingur í aðalgreininni. Ákvæði síðasta bókstafslíð hvers tölulíðar nema kafla X og XV um nám sem tengist sérgrein má uppfylla með starfi á sömu deild eða stofnun og aðalsérnámið var stundað. Umsækjandi skili þá prentaðri ritsmið eða skriflegri greinargerð um vísinda- eða rannsóknastörf sín. Greinargerð skal staðfest með vottorði frá yfirmanni viðkomandi deildar.

#### I. Atvinnulækningar:

- a)  $2\frac{1}{2}$  ár á atvinnusjúkdómadeild.
- b) 1 ár á lyfjadeild eða lungnasjúkdómadeild.
- c) 1 ár á deild eða stofnun, þar með taldar vísindalegar rannsóknastofnanir, sem tengjast greininni.

#### II. Augnlækningar:

- a) 3 ár á augndeild.
- b)  $\frac{1}{2}$  ár á lyfjadeild eða  $\frac{1}{2}$  ár á taugadeild eða taugaskurðeild.
- c) 1 ár á deild eða stofnun, þar með taldar vísindalegar rannsóknastofnanir, sem tengjast greininni.

#### III. Barnalækningar:

1. Almennar barnalækningar.
  - a) 3 ár á almennri barnadeild.
  - b)  $\frac{1}{2}$  ár á lyfjadeild eða barnageðdeild.
  - c) 1 ár á deild eða stofnun, þar með taldar vísindalegar rannsóknastofnanir, sem tengjast greininni.
2. Veita má sérfræðingi í almennum barnalækningum sérfræðileyfi í einni undirgrein þeirra, svo sem í barnaefnaskiptalækningum, barna- og unglíngageðlækningum, barnahjartalækningum, barnakrabbameinslækningum, barnaónæmislækningum. Skilyrði er 2ja ára nám í undirsérgreininni. Sérfræðingur í barna- og unglíngageðlækningum skal uppfylla ákvæði í lið c með starfi á almennri geðdeild.

#### IV. Bæklunarskurðlækningar:

1. Almennar bæklunarskurðlækningar.
  - a)  $3\frac{1}{2}$  ár á deild fyrir bæklunarskurðlækningar.
  - b) 1 ár á almennri skurðeild.
  - c) 1 ár á deild eða stofnun, sem tengjast greininni, þar með taldar vísindalegar rannsóknastofnanir.
2. Veita má sérfræðingi í bæklunarskurðlækningum sérfræðileyfi í handaskurðlækningum sem undirgrein. Skilyrði er tveggja ára nám í undirgreininni, þar meðtalið nám samkvæmt lið IV c.

#### V. Embættislækningar:

- a) Fullur tími í einhverri annarri sérgrein.
- b) Að minnsta kosti 1 ár í heilbrigðisfræði, félagslækningum og/eða heilsuvernd á viðurkenndum stofnunum eða háskóla enda ljúki því með prófi eða vottorði.

## VI. Geðlækningar:

1. a) 3 ár á geðdeildum, þar af minnst 1 ár á móttökudeild. Auk þess göngudeild, barna- og unglिंगageðdeild og deild fyrir áfengis- og vímuefnasjúklinga.
- b) ½ ár á lyfjadeild eða ½ ár á taugadeild.
- c) 1 ár á deild eða stofnun, þar með taldar vísindalegar rannsóknastofnanir, sem tengjast greininni.
2. Veita má sérfræðingi í geðlækningum sérfræðileyfi í einni undirgrein þeirra. Skilyrði er 2ja ára nám í undirsérgreininni. Sérfræðingur í barna- og unglिंगageðlækningum skal uppfylla ákvæði í lið c) með starfi í barnadeild.
3. Veita má sérfræðileyfi í barna- og unglिंगageðlækningum (þ. e. án aðalgreinar) ef fullnægt er eftirfarandi skilyrðum.
  - a) 1½ ár á almennri geðdeild.
  - b) 2 ár á sérdeild fyrir undirgreinina.
  - c) ½ ár á almennri barnadeild.
  - d) 1 ár á deild eða stofnun, þar með taldar vísindalegar rannsóknastofnanir, sem tengjast greininni.

## VII. Geislalækningar:

1. Geislagreining.
  - a) 3 ár á geislagreiningardeild.
  - b) ½ ár á skurðeild eða lyfjadeild.
  - c) 1 ár á deild eða stofnun, þar með taldar vísindalegar rannsóknastofnanir, sem tengjast greininni.
2. Geislalækningar.
  - a) 3 ár á geislalækningadeild.
  - b) ½ ár á geislagreiningardeild, skurðeild, lyfjadeild eða krabbameinsdeild.
  - c) 1 ár á deild eða stofnun, þar með taldar vísindalegar rannsóknastofnanir, sem tengjast greininni.

## VIII. Háls-, nef- og eyrnalækningar:

- a) 3 ár á háls-, nef- og eyrnadeild.
- b) ½ ár á skurðeild.
- c) 1 ár á deild eða stofnun, þar með taldar vísindalegar rannsóknastofnanir, sem tengjast greininni.

## IX. Heimilislækningar:

- a) 2 ár á heilsugæslustöð eða læknastöð undir handleiðslu sérfræðings í heimilislækningum, eða heimilislækni, sem læknaeild metur hæfa til þessarar kennslu. Æskilegt er að lækningin kynnist starfsemi lækna- og heilsuverndarstöðva á þessum tíma.

Heimilt er að nýta 6 mánuði af þessum þjálfunartíma á augndeild, háls-, nef- og eyrnadeild, húðdeild, skurðeild, svæfinga- og gjörgæsludeild og endurhæfingardeild eða deildum samkvæmt c) lið, þó ekki meira en 3 mánuði á hverri deild.

- b) 1 ár á lyflækningadeild.
- c) 18 mánuði á eftirtöldum deildum:
  - barnadeild
  - geðdeild
  - kvennadeild
  - slysadeild.
 Lágmarkstími á deild skal vera 4 mánuðir.
- d) Í stað náms skv. a, b og c liðum má koma að nokkru eða öllu leyti kerfisbundið nám í heimilislækningum, sem stundað er í löndum, þar sem slíku námi er haldið uppi, og eins þótt um styttri heildartíma sé að ræða en greinir í ívitnuðum liðum,

ef viðkomandi hefur hlotið fulla sérmenntun í greininni skv. kröfum, þeim, sem gerðar eru í því landi, enda viðurkennt af læknaeild.

X. Húð- og kynsjúkdómalækningar:

- a) 3 ár á húð- og kynsjúkdómadeild.
- b) ½ ár á lyfjadeild.
- c) 1 ár á deild eða stofnun, þar með taldar vísindalegar rannsóknastofnanir, sem tengjast greininni.

Í stað vistar á húð- og kynsjúkdómadeild má koma 2½ árs vist á húðsjúkdómadeild og ½ árs vist á kynsjúkdómadeild eða lækningastöð fyrir kynsjúkdóma. Heimilt er að veita sérfræðiviðurkenningu í hvorri grein fyrir sig, ef lið a er fullnægt, að því er hlutaðeigandi sérdeild snertir, enda sé einnig fullnægt lið b.

XI. Krabbameinslækningar:

- a) 3 ár á krabbameinsdeild.
- b) 1 ár á lyfjadeild.
- c) 1 ár á deild eða stofnun, þar með taldar vísindalegar rannsóknastofnanir, sem tengjast greininni.

XII. Kvenlækningar:

1. Almennar kvenlækningar.

- a) ½ ár á kvennadeild.
- b) 1 ár á almennri skurðeild.
- c) 1 ár á deild eða stofnun, þar með taldar vísindalegar rannsóknastofnanir, sem tengjast greininni.

2½

2. Veita má sérfræðingi í kvenlækningum sérfræðileyfi í einni undirgrein þeirra, svo sem kvenkrabbameinslækningar, innkirtlakvensjúkdómar. Skilyrði er 2ja ára nám í undirsérgreininni.

XIII. Lyflækningar:

1. Almennar lyflækningar.

- a) 3½ ár á almennri lyfjadeild.
- b) 1 ár á deild eða stofnun, þar með taldar vísindalegar rannsóknastofnanir, sem tengjast greininni.

2. Veita má sérfræðingi í almennum lyflækningum sérfræðileyfi í einni undirgrein þeirra, svo sem efnaskipta- og innkirtlalækningum, gigtarlækningum, hjartalækningum, krabbameinslækningum, lungnalækningum, meltingarlækningum, nýrnalækningum, ónæmislækningum, smitsjúkdómalækningum, öldrunarlækningum o. s. frv. Skilyrði er 2ja ára nám í undirsérgreininni.

XIV. Lýtalækningar:

1. Almennar lýtalækningar.

- a) 3 ár á lýtalækningadeild.
- b) 1½ ár á almennri skurðeild.
- c) 1 ár á deild eða stofnun, þar með taldar vísindalegar rannsóknastofnanir, sem tengjast greininni.

2. Veita má sérfræðingi í lýtalækningum sérfræðileyfi í handaskurðlækningum sem undirgrein. Skilyrði er 2ja ára nám í undirsérgreininni, þar með talið nám samkvæmt lið XIV c.

XV. Meinafræði:

1. Blóðmeinafræði.

- a) 3½ ár á blóðsjúkdómadeild, sem rekin er í tengslum við rannsóknastofu eða 2½ ár á rannsóknastofu í blóðmeinafræði og 1 ár á lyfjadeild eða deild fyrir blóðsjúkdóma.

- b) 1 ár á deild eða stofnun, þar með taldar vísindalegar rannsóknastofnanir, sem tengjast greininni.
2. Líffærameinafræði.
- a)  $3\frac{1}{2}$  ár á líffærameinafræðideild.
- b) 1 ár á deild eða stofnun, þar með taldar vísindalegar rannsóknastofnanir, sem tengjast greininni.
- c) Veita má sérfræðingi í líffærameinafræði sérfræðileyfi í einni undirgrein svo sem barnameinafræði, frumumeinafræði, taugameinafræði o. s. frv. Skilyrði er 2ja ára nám í undirsérgreininni.
3. Meinefnafræði.
- a)  $3\frac{1}{2}$  ár á meinaefnafræðideild.
- b) 1 ár á deild eða stofnun, þar með taldar vísindalegar rannsóknastofnanir, sem tengjast greininni.
4. Meinalífeðlisfræði.
- a)  $3\frac{1}{2}$  ár á meinalífeðlisfræðideild.
- b) 1 ár á deild eða stofnun, þar með taldar vísindalegar rannsóknastofnanir, sem tengjast greininni.
5. Ónæmisfræði.
- a)  $3\frac{1}{2}$  ár á rannsóknastofu í ónæmisfræði, sem rekin er í tengslum við klíniska þjónustu fyrir ofnæmissjúklinga, gigtarsjúklinga, krabbameinssjúklinga og sjúklinga með afbrigðilegar sýkingar eða  $2\frac{1}{2}$  ár á rannsóknastofu í klíniskri ónæmisfræði og 1 ár á deild fyrir ofnæmissjúkdóma, gigtarsjúkdóma, krabbamein eða ónæmisbilanir.
- b) 1 ár á deild eða stofnun, þar með taldar vísindalegar rannsóknastofnanir, sem tengjast greininni.
6. Sýklafræði.
- a)  $3\frac{1}{2}$  ár á sýklafræðideild.
- b) 1 ár á deild eða stofnun, sem tengjast greininni, þar með taldar vísindalegar rannsóknastofnanir.
7. Veirufræði.
- a)  $3\frac{1}{2}$  ár á veirufræðideild.
- b) 1 ár á deild eða stofnun, þar með taldar vísindalegar rannsóknastofnanir, sem tengjast greininni.
- XVI. Orku- og endurhæfingarlækningar:
- a)  $2\frac{1}{2}$  ár á endurhæfingardeild.
- b)  $\frac{1}{2}$  ár á lyfjadeild.
- c)  $\frac{1}{2}$  ár á gigtarsjúkdómadeild eða geðdeild.
- d) 1 ár á deild eða stofnun, sem tengjast greininni, þar með taldar vísindalegar rannsóknastofnanir.
- XVII. Skurðlækningar:
1. Almennar skurðlækningar.
- a)  $3\frac{1}{2}$  ár á almennri skurðdeild.
- b) 1 ár á deild eða stofnun, þar með taldar vísindalegar rannsóknastofnanir, sem tengjast greininni.
2. Veita má sérfræðingi í almennum skurðlækningum sérfræðileyfi í einni undirgrein þeirra, svo sem barnaskurðlækningum, brjóstholsskurðlækningum, æða-skurðlækningum o. s. frv. Skilyrði er 2ja ára nám í undirsérgreininni.

## XVIII. Svæfingalæknisfræði:

- a) 3 ár á svæfingadeild að meðtalinni gjörgæsludeild.
- b) ½ ár á lyfjadeild.
- c) ½ ár á skurðeild.
- d) ½ ár á deild eða stofnun, þar með taldar vísindalegar rannsóknastofnanir, sem tengjast greininni.

## XIX. Taugalækningar:

- a) 3 ár á taugadeild.
- b) ½ ár á lyfjadeild.
- c) 1 ár á deild eða stofnun, sem tengjast greininni, þar með taldar vísindalegar rannsóknastofnanir.
- d) Veita má sérfræðingi í taugalækningum sérfræðileyfi í einni undirsérgrein svo sem taugalífedlisfræði, taugameinafræði o. s. frv. Skilyrði er 2ja ára nám í undirsérgreininni.

## XX. Taugaskurðlækningar:

- a) 3½ ár á sérdeild fyrir greinina.
- b) 1 ár á almenntri skurðeild.
- c) 1 ár á deild eða stofnun, þar með taldar vísindalegar rannsóknastofnanir sem tengjast greininni.

## XXI. Pvagfæraskurðlækningar:

- a) 3 ár á sérdeild fyrir greinina.
- b) 1½ ár á almenntri skurðeild.
- c) 1 ár á deild eða stofnun, sem tengist greininni, þar með taldar vísindalegar rannsóknastofnanir.

## 5. gr.

Veita má sérfræðileyfi í öðrum greinum en þeim er að framan greinir, ef fullnægt er kröfum um sérmenntun að mati sérfræðinefndar læknadeildar, að fengnum tillögum sérfræðinga í hlutaðeigandi greinum, ef til eru. Sérfræðinefnd úrskurðar á sama hátt um veitingu sérfræðileyfa í nýjum undirgreinum. Lækni er óheimilt að vera sérfræðingur í fleiri en einni aðalsérgrein samtímis. Sérfræðinefnd skv. 7. gr. getur þó í sérstökum tilvikum veitt undanþágu frá þessari reglu með samþykki læknadeildar að fengnu álitni Læknafélags Íslands og í samráði við hlutaðeigandi sérgreinafélög.

## 6. gr.

Heimilt er að synja lækni um sérfræðiviðurkenningu, þótt hann hafi fullnægt ákvæðum þessarar reglugerðar, ef sérfræðinefnd læknadeildar telur að námið hafi ekki verið nægilega samfellt eða að óeðlilega langur tími hafi liðið frá því að hann lauk samfelldu sérnámi og þar til umsókn barst.

## 7. gr.

Læknadeild skipar 3 lækna til að fara yfir og úrskurða um umsóknir til sérfræðileyfis. Skal einn vera úr hópi kennara deildarinnar og er hann formaður nefndarinnar, annar skal tilnefndur af L. Í. og sá þriðji er forstöðumaður kennslu í þeirri grein sem til umfjöllunar er hverju sinni. Við afgreiðslu umsókna skal þegar við á, fulltrúi viðkomandi sérgreinafélags boðaður á fund nefndarinnar. Fulltrúar læknadeildar og L. Í. skulu skipaðir til 4 ára. Þeir annast fyrir hönd læknadeildar túlkun og endurskoðun reglugerðarinnar í samráði við stjórn og sérgreinafélög L. Í. Ennfremur skulu þessir aðilar fylgjast með þróun framhaldsnáms og reglna um sérfræðiviðurkenningu í nágrannalöndum. Komi upp ágreiningur í nefndinni skal skjóta honum undir úrskurð læknadeildar.

**III. Gildistöku- og bráðabirgðaákvæði.**

8. gr.

Reglugerð þessi, sem sett er að tillögu læknaeildar Háskóla Íslands staðfestist hér með samkv. 2. og 5. gr. læknalaga nr. 80/1969 til þess að öðlast gildi 1. júlí 1986. Jafnframt fellur úr gildi frá og með sama tíma reglugerð nr. 39/1970, um veitingu lækningaleyfis og sérfræðileyfa ásamt síðari breytingum.

Kandidötum, sem lokið hafa læknaprófi við gildistöku þessarar reglugerðar skal þó heimilt að haga almennu framhaldsnámi skv. I. kafla hinnar fyrri reglugerðar, ef námið er hafið þegar reglugerð þessi öðlast gildi. Einnig skal læknum, sem hafa hafið sérfræðinám við gildistöku, heimilt að haga sérnáminu skv. II. kafla fyrri reglugerðar til 1. júlí 1990. Skal sérstaklega tekið fram í umsókn sé slíkrar heimildar óskað.

*Heilbrigðis- og tryggingamálaráðuneytið, 18. júní 1986.*

**Ragnhildur Helgadóttir.**

Páll Sigurðsson.

Nr. 312

23. júní 1986

**AUGLÝSING**

**um umferð í Reykjavík.**

Samkvæmt heimild í 51. og 65. gr. umferðarlaga nr. 40 1968 og að fenginni tillögu borgarráðs, hefur eftirfarandi verið ákveðið:

1. Bannað er að leggja ökutækjum við Leirulæk nema á sérstökum afmörkuðum bifreiðastæðum.
2. Fellt er niður bann við:
  - a) Hægri beygju af Vitastíg inn á Laugaveg.
  - b) Vinstri beygju af Skúlagötu inn á Vatnsstíg.
  - c) Að leggja ökutækjum á Bergþórugötu að norðanverðu, milli Barónsstígs og Snorrabrautar.
  - d) Að leggja ökutækjum á Túngötu að sunnanverðu, frá Hofsvallagötu að Bræðraborgarstíg.
  - e) Að leggja ökutækjum á Njálsgötu að sunnanverðu, austan Barónsstígs meðfram lóð nr. 70.
  - f) Að leggja ökutækjum á Framnesvegi að vestanverðu, frá Öldugötu að Holtsgötu frá kl. 18.00 mánudaga-föstudaga til kl. 08.00 að morgni næsta dags.
3. Heimilt er að stöðva eða leggja ökutæki að sunnanverðu á Vesturgötu milli Seljavegar og Ánanausta. Bannað er að leggja ökutæki að norðanverðu á Vesturgötu á sama kafla.
4. Heimilt er að stöðva eða leggja ökutækjum á:
  - a) Vitastíg að austanverðu, milli Hverfisgötu og Laugavegs og milli Grettisgötu og Njálsgötu.
  - b) Lynghaga að sunnanverðu.
  - c) Tjarnargötu að austanverðu, frá Kirkjustræti að Vonarstræti.

Ákvæði auglýsingar þessarar taka gildi 10 júlí n.k.

*Lögreglustjórinn í Reykjavík, 23. júní 1986.*

**Böðvar Bragason.**